



४५ दँ लिपा पौभाः इतुंबहालय् पौभाःया सुरक्षाय् विशेष ध्यान बीमाः

लहना वा:पौ/ २०३७ सालय् तंगु भिन्त्यागू निसै भिन्च्यागू शताब्दीया इतुंबहालया स्वंगू बहुमूल्य पौभाः हाकनं इतुंबहालय् तं हःगु दु। श्री श्री केशचन्द्र महाविहारया थ्यं मथ्यं ५५० दँ पुलांगु पौभाःय् 'चिन्तामणि लोकेश्वर', 'केशचन्द आजु भैरव दर्शन यानाच्चंगु व 'गगनसिं व वय्कःया जहान' किपाः दु।

उपप्रधान तथा सहरी विकासमन्त्री प्रकाशमान सिंह नेपाल राष्ट्रिय सङ्ग्रहालयया हल्य् अमेरिकां लितहःगु उगु पौभाः श्री भाष्करदेव संस्कारित केशचन्द्रकृत पारावत् महाविहार संरक्षण समाजया अध्यक्ष प्रज्ञारत्न शाक्ययात लःल्हानादीगु खः। थ्यं मथ्यं प्यला न्ह्यः अमेरिकां लितहःगु उगु पौभा पुरातत्व विभागं छाउनीस्थित नेपाल राष्ट्रिय सङ्ग्रहालययात लःल्हाःगु खः। वयां लिपा विशेष सुरक्षासहित उगु पौभाः राष्ट्रिय सङ्ग्रहालयय् हे लानाच्चंगु खः। थुक्रिया दथुइ केशचन्द्रकृत पारावत् महाविहार संरक्षण समाजं उगु स्वपाः



पौभाया उचित व्यवस्थापन यायेगु निती ज्या यानाच्चंगु खः। उगु ज्या क्वचायेवं केशचन्द्रकृत पारावत् महाविहार संरक्षण समाजं राष्ट्रिय सङ्ग्रहालययात उगु पौभाःया संरक्षण, संवर्धन व सुरक्षाय्

विशेष ध्यान बीगु प्रत्याभूति बिउगु खः। वयां लिपा राष्ट्रिय सङ्ग्रहालया न्हापाया थासय् प्रतिस्थापन यायेत राजी जूगु खः। थ्व सम्बन्धय् राष्ट्रिय सङ्ग्रहालय व केशचन्द्रकृत पारावत्

महाविहार संरक्षण समाज दथुइ सम्झौता नं जूगु दु।

सम्पादविद्वत्सं इतुंबहालया थुगु पौभाः नेपाःया जक मखु एसिया हे प्रतिनिधित्व यायेफइगु खँ धाःगु

खः। सांस्कृतिक व धार्मिक महत्वं जाःगु उगु पौभाः गुणस्तरीय लिसे तःपाः। गगनसिंया पौभाः (१९१.८ X १६१.९ सेमी) दकलय् तःपाःगु खः। चिन्तामणि लोकेश्वरया साइज १६४.४ X १४३.५ व केशचन्द आजु भैरव दर्शन यानाच्चंगु पौभाःया साइज १६६.४ X १३९.६ सेमीया दु।

उगु पौभाः इतुंबहाल लित हयेत आपालं स्थानीय व सम्पदाप्रेमी राष्ट्रिय संग्रहालय थ्यंगु खः। राष्ट्रिय संग्रहालयया हलमा उपप्रधानमन्त्री सिंह, प्रदेश सांसद शैलेन्द्र वज्राचार्य, यँ उपमहानगरपालिकाया उपप्रमुख सुनिता डंगोल व राष्ट्रिय संग्रहालयया प्रमुख अरुणा नकर्मिया उपस्थितिइ पौभाः लःल्हायेगु ज्याइवः लिपा उगु पौभाः गुँला बाजासहित इतुंबहाल लितहःगु खः।

२०३७ भदौ २९ गते उगु पौभाः महाविहार परिसरं तंगु खः। वयां लिपा नीस्वदँ तक पौभाः गन वन धइगु खँ सुनां ल्यं७ पेजय्

मातृभाषा पत्रकारितां प्रेस स्वतन्त्रता बल्लाकिइ : सभामुख घिमिरे



लहना वा:पौ/ प्रतिनिधिसभाया सभामुख देवराज घिमिरे मातृभाषाया पत्रकारितां अभिव्यक्ति लिसें प्रेस स्वतन्त्रताया अभ्यासायात बल्लाकीगु खँ धयादीगु दु।

बिहीबाः नेवाः पत्रकार राष्ट्रिय दबूया पदाधिकारी लःल्हाःगु अन्तर ण्ठिय मातृभाषा पत्रकारिता सम्मेलनया प्रतिवेदन लःल्हाना कयादिसै वय्कलं धयादिल, 'बहुजातीय, बहुभाषिक देसय् राज्यप्रति सकलैनाप स्वापू दूगु, संघीयताया प्रवर्द्धनया निती मातृभाषाय् पत्रकारिताया महत्वपूर्ण भूमिका दइ।

थ्व सम्मेलनं थुक्रिया भूमिकायात न्ह्यःने हयाब्यूगु दु।'

वय्कलं सम्मेलनया निष्कर्ष, ल्ट्वंगु बहसयात कानुन निर्माणय्, राज्यया व्यवहारय् कार्यान्वयन यायेत कुतः यायेगु प्रतिबद्धता प्वकादिसै वय्कलं धयादिल, 'देय् दुने व विदेशीयापिं नाप पत्रकारतय्गु ब्वतिइ छिकपिसं यानादीगु सम्मेलनया थःगु हे महत्व व विशेषता दु। थुगु सम्मेलनं पिहांवःगु लिच्वःयात कार्यान्वयन यायेत जिगुपाखें माक्व ग्वाहालि यायेगु जुइ।'

नेवाः पत्रकार राष्ट्रिय दबूपाखें

वंगु जेठ ३० व ३१ गते 'मातृभाषा संरक्षणया निती पत्रकारिता' सम्मेलन ग्वसाः ग्वःगु खः।

उगु सम्मेलनय् बङ्गलादेश, भारतया थीथी प्रान्त व नेपाःया पत्रकारपिसं ब्वति काःगु खः। सम्मेलनं समावेशी पत्रकारिताया विकास, मुक्कं पत्रकारिताया विकासय् मातृभाषा पत्रकारिताया महत्व व आवश्यकता सम्बन्धी थीथी लिच्वः पिकाःगु खः।

सिंहदरबारय् सभामुखया ज्याकुथिइ नापलाःगु पुचलय् नेवाः पत्रकार राष्ट्रिय दबूया केन्द्रीय नायः नृपेन्द्रलाल श्रेष्ठ, वरिष्ठ उपाध्यक्ष सुनील महर्जन, महासचिव केके मानन्धर लिसें दुजःत पूर्णभक्त दुवाल व विकास मालीं दुथ्याःगु खः।

नेपाःया न्हापांम्ह मातृभाषी पत्रकार धर्मादित्य धर्माचार्य पत्रकारिता न्ह्याकूगु सँछि दँ क्यंगु लसताय् नेवाः पत्रकार राष्ट्रिय दबू नं थुगु सम्मेलन याःगु खः। समावेशी सञ्चार व मातृभाषा पत्रकारिताया विकासया निती नेवाः पत्रकार राष्ट्रिय दबू नं भिस्वदँ न्ह्यवनिसें मदिकक वकालत यानाच्चंगु दु।

काठमाडौं महानगरपालिकाको सहयोगमा प्राप्त
सिटी स्वयान मेशिन हाल संचालनमा आएको
आवकारी सबैमा गराउन चाहन्छौं

छत्रपाटी निःशुल्क चिकित्सालय (अस्पताल)
Chhatrapati Free Clinic (Hospital)

श्रावण मसान्तसम्म **५०% छुट**
CT Scan मा

सम्पर्क नं. ९७०२०८८६५१

२८ से घण्टा
CT Scan
सेवा उपलब्ध



नेवाः राष्ट्रिय म्ये

चमि : दुर्गालाल श्रेष्ठ लय् चिनामि : तिर्थ माली

धुन देने धुन सँन्त्यलं भी फुक्कं हे छम्ह जुइ धुन
भीगु लागाय् भी स्वयं हे जः जुया धुन लुइ धुन
ह्यांगु भुमिइ अष्टमण्डल ह्यांगु चाः दुने थी नगु
भीगु नेवाः ध्वाँय् थ्व हे खः ज्यान भी सकस्यां छगू
जातितय् स्वायत्त राज्यं लुइ कपं च्वय् भिलिमिलिं
राष्ट्र भःभः धाय्क न्ह्याके भीगु चःतिं भीगु हिं

सम्पादकीय



पुलाम्ह राष्ट्रपति भण्डारीयात सक्रिय राजनीति यायेगुलिं ला पनेमज्यु

नेकपा एमाले दुने हाकनं छक्कः बिचाः, नेतृत्वया बहस सुरु जूगु दु। थ्व हे सन्दर्भय् एमालेय् पुलाम्ह राष्ट्रपति विद्यादेवी भण्डारी सक्रिय राजनीति यायेगु जिउ कि मज्यु धइगु बहस न्ह्याःगु दु। एमाले पार्टीइ थौंकन्ह्य निगू बिचाः न्ह्याःगु दु। वय्कःयात सक्रिय राजनीतिइ ह्याः पार्टीइ स्थापित यायेगु वा मयायेगु धइगु विषय खः। राष्ट्रपति पदं अवकाश कायेधुंकाः ताः ई तक सुम्क च्वनाच्चम्ह भण्डारीया लिपांगु सक्रियता व एमालेया ज्याइवःपाखें हाकनं प्रवेश जूगुलिं वइगु दिनय् पार्टीया नेतृत्व थःगु ल्हातय् कायेगु मनसाय दुगु संकेत बियाच्चंगु दु। वय्कलं थीथी अन्तर्वाताय् नं थ्व खँ न्ह्यथनादीगु दु। भण्डारी वःगुयात गुलिसिनं लसकुस याःगु दुसा गुलिसिनं शंकाया दृष्टिं स्वःगु दु। गणतन्त्रय् राष्ट्रपति थें सर्वोच्च निकाय तक थ्यनेधुंकूम्ह मनु हाकनं राजनीतिइ लिहां वइबलय् बरु गणतन्त्रया इज्जत अप्वइगु विश्लेषण नं जूगु दु। गुलिखे नेतातय्सं भण्डारीया पार्टी दुनेया भूमिका व वैधानिकतायात कयाः न्ह्यसः तयाच्चंगु दुसा वय्कः सक्रिय राजनीतिइ लिहां मवयेमाःगु अडान कयाच्चंगु दु। तर वास्तविकता छु धाःसा भण्डारी स्वयं पार्टीया इतिहास, संघर्ष, निर्माणय् महत्वपूर्ण भूमिका स्मृतूम्ह व्यक्ति खः। वय्कःयात पार्टीया सेवा यायेत लिहां वयेगुपाखें पनेगु पाय्छि मज्जुगु विश्लेषण नं दु। नेकपा एमालेया मिसा आन्दोलन व सशक्त राजनीतिइ वय्कलं बियादीगु योगदानयात म्हो यायेमज्युगु विश्लेषण नं दु।

थौंकन्ह्य एमाले दुने थ्व हे निगू बिचाः ब्वलनाच्चंगु दु। दुःखया खँ छु धाःसा थ्व निगुलिं प्रवृत्तिं पार्टीया एकता व भविष्यया संगठनात्मक संरचनायात गम्भीर लिच्चः लाकेफु। न्हापाया राष्ट्रपति डा. रामवरण यादव नं राजनीतिइ वयेफुगु खःसां वय्कःया इच्छा धाःसा मदु। पुलाम्ह राष्ट्रपति भण्डारी थःगु इच्छा प्वंकादीगु खः। थ्व व्यक्तिगत स्वार्थ व चाहनाया विषय जूगुलिं थुकियात यक्व विवादया विषय दयेकेगु पाय्छि जुइमखु।

पार्टी एकताया नामय् संस्थापन पक्षं पार्टी घेराबन्दी यायेमज्यु। भविष्यय् भण्डारी पुनःसक्रिय जुइगु एमालेया निंतिं बेफाइदा जुइगु खनेमदु। नेतृत्वं स्वीकार यायेफुसा थ्व छगू ह्वःताः जुइफु। भण्डारीयाके संगठन न्ह्याकेगु अनुभव जक मखु, राष्ट्रिय राजनीतिइ निर्णायक उपस्थिति जुइगु क्षमता नं दु। वय्कः संस्थागत निर्णय व अनुशासनय् विश्वास याइम्ह नेता खः, गुगु वय्कः राष्ट्रपतिया इलय् बारम्बार खनेदूगु खः। भण्डारी थेंज्याःम्ह नेतायात पार्टी एकताया नामय् घेराबन्दी यायेगु कुतः यातधाःसा पार्टीया निंतिं नोक्सानी जुइफु। जनतां वैकल्पिक राजनीतिक ह्वाःपाः मालाच्चंगु दु। अले व ह्वाः भण्डारी जुइफु धइगु सम्भावनायात नं नकारे याये फइमखु। तर कन्ह्य वं नं धेंधेंबल्लाः यायेमालीगु जूगु दु। लोकतान्त्रिक व्यवस्था कथं भविष्यय् पार्टीया नेतृत्व यायेगु इच्छा भण्डारीया खःसा वय्कःयात प्रतिस्पर्धा याके बीसाः...। लुखा तिन्ना...तये मज्यु...।

चर्चाय् भूमि विधेयक व कुलिङ पिरियड



दिलिप शाही “शान्तिचञ्जु”

थौं कन्ह्य निगू विषय चर्चाय् वयाच्चंगु दु। छगू ‘भूमि विधेयक’ खःसा मेगु ‘कुलिङ पिरियड’। सरकार हःगु भूमि विधेयक विवादय् लायेवं सरकारं लित कायेत बाध्य जूगु दु। सरकार हःगु भूमि विधेयक गथे खः अथे हे पारित यायेगु सरकारया नीतियात कयाः सत्ता साभेदारी दल नेपाली कांग्रेसया महामन्त्री विश्वप्रकाश शर्मा व गगन थापां विरोध यायेवं थप सहलहया निंतिं समितिइ छ्वयेगु निर्णय सरकारं याःगु दु। सरकार हःगु भूमि विधेयकय् हठबन्दी स्वयां अप्वः जग्गायात प्लटिङ यानाः मी फइ कथं विधेयक सरकार हःगु खः। अथे ला एमालेया अध्यक्ष केपी शर्मा ओली प्रधानमन्त्री जुयाच्चंगु इलय् गिरीबन्धु टिस्टेटया जग्गा सत्तापट्टा यायेगु योजना हःगु खः। तर उगु खँ सार्वजनिक जुइगुया लिसें विपक्षी पार्टीतय्सं तच्चकं विरोध याःसां नं उकियात न्ह्यःने यंकेगु कुतः तत्कालीन प्रधानमन्त्री केपी शर्मा ओली याःगु खः। तर सरकारया उगु निर्णय विरुद्ध सर्वोच्च अदालतं आदेश बीवं गिरीबन्धु टिस्टेटया जग्गा सत्तापट्टा यायेगु ज्या सरकार लिचिलेमाःगु जक मखु सरकारया बदनाम नं जूगु खः।

तर आः सरकार हःगु विधेयकया स्वार्थ धइगु अभ्र नं गिरीबन्धु टिस्टेटया जग्गा व्यक्तिया नामय् छ्वयेगु योजना कथं जक मखुला धइगु न्ह्यसः थन ब्वलनाच्चंगु दु। सरकार हःगु भूमि विधेयकया दफा २ सँ भूमि सम्बन्धी ऐनय् संशोधनया प्रस्ताव यानातःगु दु। दफा २ या ४ सँ हदबन्दी स्वयां अप्वः जग्गा विकास यानाः विकसित घडेरी वा अज्याःगु घडेरीइ छँ वा अपार्टमेन्ट दयेकाः मी दइगु व्यवस्था प्रस्ताव यानातःगु दु। उगु दफाय् च्वयातःगु दु, ‘थुगु दफाय् मेथाय् न्ह्यागु च्वयातःगु जूसां नं सम्बन्धित निकायपाखे छँ जग्गा व्यवसाय यायेगु अनुमति कयातःगु कम्पनीया नामय् दुगु जग्गा फदा १२ (क) या उपदफा (२) कथं स्वीकृत प्राप्त याःगु जूसा जग्गा विकास यानाः विकसित घडेरी वा अज्याःगु घडेरीइ छँ वा आवास इकाइ (अपार्टमेन्ट) दयेकाः मीगुलिं गुगु नं कथंया पंगः वइ मखु।’

थुकिं स्पष्ट जू भूमि विधेयक छु किया निंतिं हःगु खः धकाः। अले थुकी स्वयागु स्वार्थ दु धइगु खँ नं स्पष्ट जुयाच्चंगु दु। छाः धाःसा एमाले अध्यक्ष केपी शर्मा ओली गबलय् गबलय् प्रधानमन्त्री जुइ अज्याःगु इलय् थज्याःगु निर्णय जूगु आपालं दसु दु। छगू कथं धायेगु खःसा यति ओम्नी काण्डं निसें आपालं भ्रष्टाचारय् एमाले अध्यक्ष प्रधानमन्त्री जुइधुंकाः जुयाच्चंगु दसु आपालं दु। थम्हं

भ्रष्टाचार मयायेगु व याके मबीगु धकाः भाषण याइम्ह प्रधानमन्त्री केपी ओली थम्हं भ्रष्टाचार मयाना धकाः दाबी यानाच्चंगु दुसा तर तथ्य मेगु खँयात संकेत यानाच्चंगु दु। स्पष्ट दु एमाले अध्यक्ष केपी शर्मा ओली प्रधानमन्त्री जुइवं भ्रष्टाचार म्हो जूगु मखु बरु अभ्र संस्थागत जुयाच्चंगु दु। थ्व खँयात एमालेया कार्यकर्ता मथुगु पक्का नं मखु तर विरोध यायेगु आँट धाःसा उमिके मदु। अले गलत ज्यायात गलत मधायेगु धइगु दास मनोवृत्ति खः।

मेता खः कुलिङ पिरियड। उच्च पदस्थ सरकारी कर्मचारी थः रिटायर्ड

तःगु विषययात कयाः अनुसन्धान यायेमाःगु माग यानातःगु दु। उल जक मखु विशेष अदालतया आदेश लिपा राईयात महाअभियोग तयेमाःगु खँ नं वयाच्चंगु दु। तर सरकारं राईयात कयाः छुं नं कथंया निर्णय धाःसा यानाच्चंगु मदु। जब अखितयारया प्रमुख जुयाच्चम्ह व्यक्ति हे भ्रष्टाचारया थीथी द्वपं लानाच्चंगु इलय् अखितयार प्रमुख छाःय दयेकल धइगु न्ह्यसः ब्वलनीगु स्वभाविक खः।

यदि सरकार धातथें भ्रष्टाचार विरोधी खःसा अखितयार प्रमुख राईयात तत्काल निलम्बन यानाः छानबिन यायेगु



उच्च पदस्थ सरकारी कर्मचारी थः रिटायर्ड जुइवं सरकारया हे थीथी संवैधानिक पदय् नियुक्त जुयाच्चंगु दु। गुकिया कारणं यानाः अज्याःगु संवैधानिक पदय् नियुक्त जूपिसं जनताया चाहना कथं मखु सरकारया चाहना कथं ज्या यायेगु यानाच्चंगु दु। उकिया ज्वलन्त दसु खः वर्तमान अखितयार दुरुपयोग अनुसन्धान आयोगया प्रमुख आयुक्त प्रेमकुमार राई।

जुइवं सरकारया हे थीथी संवैधानिक पदय् नियुक्त जुयाच्चंगु दु। गुकिया कारणं यानाः अज्याःगु संवैधानिक पदय् नियुक्त जूपिसं जनताया चाहना कथं मखु सरकारया चाहना कथं ज्या यायेगु यानाच्चंगु दु। उकिया ज्वलन्त दसु खः वर्तमान अखितयार दुरुपयोग अनुसन्धान आयोगया प्रमुख आयुक्त प्रेमकुमार राई। राई छगू लिपा मेगु उच्च पदय् च्वनेत ताःलाम्ह व्यक्ति जक मखु भ्रष्टाचारया थीथी द्वपं नं फयाच्चम्ह खः। तर एमाले अध्यक्ष ओली प्रधानमन्त्री जुइवं अखितयार प्रमुख दयेकेगु ज्या जुल। राईयात छाःय अखितयार प्रमुख दयेकल धकाः बिचाः यायेगु खःसा विपक्षीया थीथी नेतातय्त ख्यायेगु निंतिं हे दयेकूगु खः धइगु खँ स्पष्ट जुइधुंकूगु दु।

वंगु वालय् विशेष अदालतं वाइडबडी विमान न्यायेगुलिं भ्रष्टचार जूगु मुद्दाया पूर्णपाठय् राई गुम्हेसितं अनुसन्धान यानाः मुद्दा तयेगु व गुम्हेसितं अनुसन्धान तक मयाःगु धासें राईया विरुद्ध छानबिन यायेमाःगु कथंया न्यायिक टिप्पणी याःगु खः। अदालतया उगु टिप्पणी लिपा राईयात कयाः अनुसन्धान यायेमाःगु धासें अखितयारय् उजुरी लायेधुंकूगु दु। युवराज सफल बिउगु उजुरीइ वाइडबडी विमान न्यायेगुलिं अनियमितता, नेपाल आयल निगमया जग्गा न्यायेगुलिं अनियमितता व नक्कली भुटानी शरणार्थी प्रकरणय् राईया गाडीइ ध्यबा

ज्या न्ह्याकेमाः। अखितयार प्रमुख धइगु छगू निगू निकायया जुयाच्चंगु भ्रष्टाचारयात कयाः अनुसन्धान याइगु संस्था मखु। अखितयार धइगु देय्या फुक्कं थासय् जुयाच्चंगु भ्रष्टाचारयात कयाः अनुसन्धान यानाः अभियोजन यायेमाःगु संस्था खः। तर अज्याःगु संस्था हे मनूत ल्ययाः ल्ययाः अभियोजना याइ धाःसा उकिया लिउनेया कारणं स्पष्ट दु। थः मनूतय्त बचे यायेगु मेपितं कारबाही यायेगु ! मखु धइगु खःसा सरकारं द्वपं लायेधुंकाः राईयात चीकेत लिचिले माःगु कारण छु खः।

थ्व निगू घटनाक्रम स्पष्ट यानाच्चंगु दु वर्तमान प्रधानमन्त्रीया ध्यान भ्रष्टाचार नियन्त्रणय् मखु संस्थागत यायेगुलिइ केन्द्रित जुयाच्चंगु दु। अले थम्हं नं भ्रष्टाचार याये मखु मेपितं याके मखु धकाः जनताया मिखाय् धुलं छ्वाकेगु ज्या यानाच्चंगु दु। तर छता खँ स्पष्ट दु, वर्तमान अवस्थाय् जनता अचेत मखु। न्हापा थें जनतायात ध्वं लायेगु ज्या आः जुइ सम्भावना म्हो जक दु। जनतां निरन्तर रुपं देशय् जुयाच्चंगु गतिविधियात स्वयाच्चंगु दु। अले आः जनता सुम्क च्वनाच्चंगु अर्थ सरकारया ज्या खनाः लायेताःगु धकाः तायेकेगु वा जनतां छुं मसिउ धकाः तायेकेगु ज्या गलत जुइफु। जनतां सहः याये मफइगु अवस्थाय् छु जुइ धकाः धायेफइगु अवस्था मदु।

चिबाखंया संरचना व समीक्षाया सन्दर्भय् ... १



सुधीर स्वबि

नेपालभाषा चिबाखं
साहित्य पेजया बुद्धिया
लसताय् नेपालभाषा
चिबाखं साहित्य पेजय्
पिदंगु चिबाखं मध्ये स्वपु
चिबाखंया समीक्षाया
इनाप जितः वःगु जुल ।
समीक्षा याये न्हयः
चिबाखंयात कयाः
ताःहाकःगु भूमिका व
सैद्धान्तिक खँ मल्हासें
चिबाखंया संरचनायात
जक न्हयथना स्वपु
चिबाखंया समीक्षा यायेगु
कृतः यानाचवना ।

नेपालभाषा चिबाखं ख्यलय् सः
छगू फरक अभिव्यक्तिया ज्याइवलं छगू
तःधंगु ह्यूपा हयाब्यूगु खँय् निगू मत
मदु । अथे ला चिबाखंया इतिहास थ्वयां
न्हयः नं दूगु हे जुल । सः छगूया लिपा
नेपालभाषा चिबाखं साहित्य फेसबुक
पाखें न्ह्याःवनाच्वंगु चिबाखं साहित्य
भर्चुअल जक मजुसे इलय् ब्यलय्
प्रत्यक्ष नं जुइगु जुयाच्वंगु जुल ।

नेपालभाषा चिबाखं साहित्य
पेजया बुद्धिया लसताय् नेपालभाषा
चिबाखं साहित्य पेजय् पिदंगु चिबाखं
मध्ये स्वपु चिबाखंया समीक्षाया
इनाप जितः वःगु जुल । समीक्षा याये
न्हयः चिबाखंयात कयाः ताःहाकःगु
भूमिका व सैद्धान्तिक खँ मल्हासें
चिबाखंया संरचनायात जक न्हयथना
स्वपु चिबाखंया समीक्षा यायेगु कुतः
यानाचवना । थ्व अवसरया निरति सुभाय्
बियाचवना ।

चिबाखंया संरचना दसुया लागि

- छगू बगैचाया फुक्कं चित्रण
उपन्यास वा आख्यान खः ।
- प्यमा न्यामा स्वांमाया बाखंत
ताहाकःगु बाखं ।
- छमा स्वांमाया बाखं वस्तु थिक्कगु
औसत बाखं ।
- छप्पः वा निप्पः स्वांया जक वा
छहः निहःया बाखं वस्तु चिबाखं
जुइ ।

चिबाखं व बाखंया संरचनाय् दुगु फरक
बाखंया संरचना दुने मदयेकं
मगाःगु तत्वतः शीर्षक, लक्षित समूह,
उद्देश्य, विषयवस्तु, पात्र चयन
बाखंया शुरुवात

न्हापां विषयवस्तुया भूमिका व
विषय प्रवेश । दथुइ वयाः द्वन्द, अन्तर्द्वन्द,
समस्या, रहस्यात्मकता (विषयवस्तु
अन्सार) वा घटनाक्रमया विस्तार ।
अन्तय् वयाः समाधान, रहस्योघाटन,
सुखद वा दुखदय् बाखं क्वचाइ ।

बाखंनय् पात्रया चित्रण

छपु बाखंया पूर्णताया लागि
मदयेक मगाःगु धाइगु मुख्य पात्र, छम्ह
सहायक पात्र दोश्रो सहायक पात्र ।
बाखंया विषयवस्तु अन्सार खलपात्र,
पात्रया चरित्र चित्रण नापं अन्य
पात्रया प्रवेश जुयाचवनी सा उपकथात
सान्दर्भिकता कथं प्रस्तुत जुयाचवनी ।

चिबाखनय् तप्यंक हे छुं नं
भूमिका बिना विषय प्रवेश, अले
घटनाक्रम वर्णन अनं लिपा परिणाम वा
अन्त्य जुइ । चिबाखंया पात्र छम्ह निम्ह

जक अनं सन्दर्भ कथं निगू तकया खँचु
तयेज्यु धाइगु मान्यता चिबाखं ख्यलय्
खनेदु । चिबाखंया छ्यं चीहाक
व प्रतिकात्मक नापं चिबाखंया छ
यं नं चिबाखंया सार वा धायेत्यंगु खँ
अनुमान मजुइ कथंया जुइमाः नं धाइ ।

उदाहरणया लागि छपु चिबाखं

मस्यौरा

‘छु भीगु थ्व नापलाना अन्तिम
खः ला !’ - सीमां खबिं प्याःगु सलं
पंकजयात न्यन ।

पंकजं मस्यौरा भतिचा पुखुलिइ
वान्छवल । न्यात घातुघ्वाना मुंवल ।
ल्हानाः ल्हानाः मस्यौरा नल ।

सीमाया न्हयसःया लिसः मब्यू
वं । सीमाया ख्वाः निपा पाः ल्हातिइ
दथुइ तयाः म्हुतुसिं मिखां ज्वयावःगु
ख्ववि नाइसे पहःलं हुयाबिल ।

‘निदै ला खः नि । विदाय
छेंय् वये नि । उबले हे इहिपा नं
याये नि । मज्युला ? जितः पियाच्वं
हिं !’- पंकजं मन तये कथं खँ
तल ।

‘छु लिहाँ मवःसा ? छु जि
न्ह्यावलें न्याया नसा म्युम्युं
कतःपिनि मतिना याःगु जक
स्वयाचवनेगु थ्व सिद्धपुखुलिइ ?’
-सीमा तसकं इतमितः खनेदत ।

‘थ्व सिद्ध पूखूया लः थियाः पाः
फये जि । जि लिहां वये दां यक्व
कमय् याना !’ - हाकरं मस्यौरा लखय्
वांछवछ्वं पंकजं धाल ।

‘अथे खःसा छु जिगु सिन्चा छुं
थःगु यानाः वनेमाः’- सीमां नं मस्यौरा
पुखुलिइ वान्छवल ।

न्या मेखेपाखे हुलमुल
यानाचवन । सीमां वान्छवगु मस्यौरा
लखय् लैलें पुयाचवन ताः ई तक नं ।

पंकज नं सुक लैलें पुयाच्वंगु
मस्यौरा स्वयाचवन, स्वयाचवन । नुगः
पुखूया लः थें सनाचवन ।

तथ्य पुष्टी

- १) थ्व चिबाखं बिना छुं भूमिका
न्ह्याकातःगु दु ।
- २) थ्व चिबाखनय् सम्वाद व परि
स्थिति हे पात्रतयेगु सम्बन्ध व
अवस्थायात बांलाक थुइकातःगु
दु ।
- ३) थ्व चिबाखंया छ्यं मस्यौरां
चिबाखंया सार कनाच्वंगु मदु ।
मान्यता कथं छ्यं चीहाकः व
प्रतिकात्मक जू ।
- ४) चिबाखंया अन्त्य छगू न्हयसः

जक न्हयथना मखु प्रतिकात्मक
रूपं पंकज व सीमा निम्हेसिगु च्वः
बुइत्यंगु स्वापूया चित्रण यानाः
छगू उत्सुकता ब्वनामितयगु
नुगलय् थनाच्वंगु दु ।

स्वपु चिबाखंया समीक्षा

१ बाखं - सौरव शाक्य २ उपाय
मदु - सुरेन्द्रलाल भुजु ३ द्यः -रविता
महर्जन

बाखं - सौरव शाक्य

सौरवया थ्व बाखंया सार छम्ह
च्वमिया आत्मालोचना खः । मोनोलग



शैली न्हयथनेल्वःगु विषयवस्तु जुयाः
चिबाखंया गति सलल न्ह्याः ।
ब्वनेबलय् गनं स्पीडब्रेकर मदु । थःगु
नुगलय् खँ वालीबलय् अथवा नुगः
तसकं इतःमितः कनिबलय् थःगु
न्हयःने खँ ल्हाईपिं सुं मदइबलय्
मनूतयेगु मनस्थितिं मोनोलग
नालाकाइ । गुलिसिनं न्हाय्कनय् थःतः
स्वयाः थःलिसे खँ ल्हाइ । मनूया
व्यक्तित्व कथं अभिव्यक्ति फरक फरक
जुइ । छम्ह च्वमिं थःत भवैतय् प्वकेत
स्वइ । छम्ह चित्रकारं क्यानभासय् ।
छम्ह संगीतकारं बाजाय् थःतः
अभिव्यक्त यायेतः स्वइ । सौरवया थ्व
चिबाखं मोनोलग शैली च्वयातःगु
जुल ।

चिबाखंया संरचना

१. विषय प्रवेश

थ्व चिबाखनय् ‘व’ छम्ह
बाखं च्वमि । वं बाखं च्वयेतः प्लट
मालाच्वंगु तावेत हे जायेधुंकल’ धाधां
तप्यंक हे चिबाखंया संरचनाय् च्वमि
दुहां वंगु जुल बाखं च्वयेगु इच्छा
व प्लट लुइके मफुगुया चिन्ताया
दथुं पिदंगु अन्तरात्माया सः हे थ्व
चिबाखं, बाखं जुयाः अभिव्यक्त जूगु
जुल ।

२. घटनाक्रमया प्रस्तुति

थ्व चिबाखंया ‘व’ जक मजूसें

न्ह्याम्ह नं जुइफु । व पात्रया थासय्
च्वनाः विगतया मूल्यांकन वा
आत्मालोचना यायेगु धाइगु चानचुन
खँ मखु थें ताः । थ्व चिबाखंया
विषयवस्तु मनोवैज्ञानिक खः ।
मनोरोग वा निरास मनस्थिति दुनेया
अवस्थाया चित्रण खः । गुगु चित्रणं
ब्वनामितयेत ‘व’ पात्रया ल्यूल्
सालायंकेफु ।

३. चिबाखंया छ्यं

थ्व चिबाखं छ्यं तयातःगु दु -
बाखं । चिबाखंया मान्यता कथं थ्व

चिबाखंया छ्यं नं च्वमिं प्रस्तुत याःगु
विषय वस्तुया अनुमान यायेथाकु ।
शीर्षक ब्वनाः चिबाखंया अनुमान
जुइगु कथंया छ्यं चिबाखनय्
तयेमज्यु धाइगु मान्यता दु । थ्व
अर्थय् बाखं खँवः प्रतिकात्मक
मखुसां थन प्रस्तुतिया आधारय्
प्रतिकात्मक जुयाच्वंगु जुल ।

४. चिबाखंया अन्त

थ्व चिबाखनय् प्रतिस्थित धाःपिं
यक्व ततःपाःगु ख्वाः भीसं लुइकेफु ।
‘व’ पात्रलिसे ज्वलापिं समाजसेवीत,
नेतात, थःत विद्रोही धायेके यःपिं,
तथाकथित अभियन्तात व च्वमि
कलाकारतयगु दथुइ नं सुं नं सुं
थुजाःगु चरित्र दयेफु । तर अभाव खः
मात्र आत्मालोचनाया । मनूत यथार्थय्
सिवें भ्रमय् म्वायेगु अभ्यस्त । त्यागय्
सिवें लोभय् अभ्यस्त थन । उकें यक्व
धर्मचात फल्वा बाय् जुल नं सुयातं
च्यूता मदुगु अवस्था दूगु ला ख हे
खत ।

समग्रय् एकालाप शैलीया थ्व
चिबाखं बांलाः । चिबाखंया अन्त्य
च्वमिं काल्पनिक लिच्वः मब्वसं
यथार्थ हे च्वयातःगु धाइगु लेखकीय
वा मानवीय स्वभावयात आत्मसात्
याःगु धकाः थुइकेमाः ।

ल्यं मेगु ल्याखय्

राम प्रजापति
प्रोप्राइटर

हारती मिठाई भण्डार
(इच्छा शाकाहारी)

कालिमाटी चोक, टंकेश्वर मार्ग, काठमाडौं ।
फोन नं. : ०१-५३७२९९९, मो. ९८०३९८०६९९

यहाँ:-विवाह, व्रतबन्ध, पार्टी, पिकनिक, तथा अन्य शुभ कार्यको
लागि अर्डर अनुसार मिठाइहरू तयार गरिन्छ ।

आयो नून खाउँ स्वस्थ रहौ

बाउसकल आयो 'आयो नून' खस्सले स्वास्थ्यले खटे नून

आयोडिनको कमीबाट हुने त्रिपुटिहरू


१. गर्भ दुईतिनै भएर जन्मिने गर्भवतीमा आयोडिनको कमी हुने गर्छ ।
२. नन्मकाल बढ्ने, उच्च रक्तचाप, नन्मकाल, डेढी जस्तै हुने गर्छ ।
३. पाइरियासिस र अर्थात् पायरियासिस हुने गर्छ ।
४. पाइरियासिस, हाडको खराब हुने गर्छ ।
५. पाइरियासिसको कारणेनै (GO) लेबल हुने गर्छ ।
६. पाइरियासिसको कारणेनै नन्मको विकास हुने गर्छ ।
७. आयोडिनको कमीबाट नन्मको विकास हुने गर्छ ।

आयोडिनको कमीबाट हुने त्रिपुटिहरू अरुको कारणेनै हुने गर्छ । त्यसैले त्रिपुटिहरू हुने गर्दा नून खाएर त्रिपुटिहरू न्यूनीकरण गर्न सकिनेछ ।


सिंह ट्रेडिङ कम्पनिज लिमिटेड
केन्द्रीय कार्यालय: प.म.सं. : ३०९, बर्तमान, काठमाडौं, नेपाल, फोन नं. : ५८०३९९
५८०३९९, ५८०३९९, फ्याक्स नं. : ५८०३९९, ५८०३९९, ५८०३९९

ଭରୁନା

୨୦୮୨ ଶ୍ରାବଣ ୧୩ ମଙ୍ଗଳା:



स्वयम्भुइ गुंला मेला



चिबाखं

बाखं



सौरभ शाक्य

व छम्ह बाखं च्वमि । वं बाखं च्वयेत प्लट मालाच्वंगु तावेत हे जायेधुंकल । चुरोस हे भ्रिपु ला सालेधुंकल । वं कापिइ आखः ग्वः प्यंगः हे किइ मफु । व हिमीचाल, व तसकं निराश जुल । दिमागय् छुं छुं हे खँ थाःगु मखु । धात्यें थम्हं बाखं च्वयेफइ मखु ला ? ग्यासे वल वया ! थःगु बाखं यात्रा क्वचाःगु हे जुल ला ?

थजाःगु मनय् खँ ल्हाकु ल्हाकुं वं च्वसाय् पुसा तयेत सन, कापी भयारर खुयेत स्वल । उबलय् हे बाखंमिया न्ह्यःने बाखं दं वल भ्वाताहाँ ।

द्यः



रबिता महर्जन

वतःधम्ह द्यः । अन वना द्यः दर्शन यानाः द्यःया सेवाः यायेवं पुण्य दइगु खँ बँय्बँय् जुयाच्वन । रश्मीकां नं द्यः दर्शन यानाः द्यःया सेवाः यायेगु मति तल । व सुथ न्हापं कलः ज्वनाः वन । द्यः धाःसा तापाः । गाडी मवं, प्यघौ न्यासि वनेमा । रश्मीका बुलुंहुं मदयुसे थाकू मचासैं प्यघौ न्यासि वनाः द्यःथाय् थ्यंकल । अफ्न नं द्यःया दर्शन यायेत छुं त्वाथः बाँकी दनि । त्वाथलय् पलाः तयेत स्वयेवं अन विन्ति यानाः जः खः च्वनाच्वपिं निम्ह मनूतय्सं जिमित छुं नं मविकं वने दइमखु धकाः लै पनी । द्यः

‘का च्व जिगु बाखं, जिं म्हिगः जा इलय् हे तानामव्यु धकाः कलाःचित सितुपातु वंक दाया । सुलिमय् हिरमाया चिथाय् वना जुक्क त्वना । जि हिरमायानापं मयः मयः धायेका जबरजस्त लसपस याना, जि बलात्कारी खः । जि लाखे समाजय्, देशय् छम्ह सचेत प्रगतिवादी च्वमि, जि मिसा समानताया पक्षपाति, जि गरिव, शोषित पक्ष लिइम्ह विद्रोही बाखंमि । जि धर्मचिया छें वुं थःगु यानाः कयाः थौं धर्मचा फल्चाबाय् लात । धर्मचा फल्चाय् च्वनाः जितः लाक्व सराः बियाच्वंगु दु । जिं वयागु छेंय् बालं बिया मोज यानाच्वना । का च्व बाखं ! बाखं यक्व दु, बाखं छ्याल्लव्याल्ल दु जिके ! च्वयेफुला छं ! आँत दु ला छंके !’

बाखंमिं वं न्यंकूगु खँ न्यने मफुत निपा ल्हाःतिं न्हायपं तित, “जिं गय् च्वये जिगु थःगु हे बाखं ! “मचायेक थःगु म्हुतु चाःबलय् बाखं मछाला अन हे लुप्त जुल ।

साहित्य



सुरेन्द्रलाल भुजु

रामनारायणया काय् सत्यनारायण गुम्ह सत्यनारायणया धलं दनानिं दुम्ह छम्ह हे जक सन्तान खः । भीनिगू तगिं आखः ब्वने धुनेव हे व विदेश वनेगु तरखर यागु खः । मां बौ नं ह्येका “छ नच्चा हे तिनि बाबु जिमिगु सलाह न्यनेगु खःसा दुगु ज्या यानाः जिमित त्वःता मवंसा बांलाः, अयनं वनेगु हे खसा ब्याचलर छगू ब्वना ल्हाते ज्याया छगू शीप दयेका जक हुं “धया छुं ईयात पनेत सफल जुल । ब्याचलर ब्वनेत बौम्हेस्या नं बांलागु कलेज ल्ययाः ब्वंकल । कलेजं नं ल्याय्म्ह ल्यासेतय्त ज्युक्को नेपालय् हे छुं यायेमाः धायेगु भावना दुगु जुयाच्वन ।

इलय्ब्यलय् कर्ण शाक्य, अनिल केशरी शाह, महावीर पुन थज्याःपिं हस्तिया उत्प्रेरणा कक्षा कायेकीगु जुयाच्वन ।

कलेजया बिदाई समारोहलय् कर्ण शाक्यया सकारात्मक सोचं प्रभावित जुयाः व छें वया बौम्हेसित धाल, जि गनं मखु वा जि थनसं हे छुं याये ।’

उपाय मदु

काय्या खँ न्यनाः थःगु मेहनत साकार जूगु मनंतुना तसकं लय् ताल । थःगु गच्छे अनुसार धुकुती चायेका ज्या यायेत लाय् बिल ।

काय्म्हेसिनं दुगु थःगु हे जग्गाय् छकूलिइ छगू घरेलु उद्योग चायकेगु मनय् तल ।

लछि बिकाः छगू उद्योग दर्ता यात । कारखानाया नक्सा दयकेत लछी वित । खुला बिका नक्सा पास यात । स्वलाखं भवन तयार यात । श्री फेज लाइन कायेत खुला ब्वाय् जुल कायेमफु । उत्पादन लाइसेन्स

बलय् सत्यनारायणयात बौम्हेसिनं ब्यूगु पुँजी प्यव्वय् छव्व फुत । श्री फेजलाइन व उत्पादन लाइसेन्स कायेत टेबुलतले तक ध्यवा थु बीमाःगु खँ वल । सत्यनारायणं बिचाः यात उद्योग चायेका लवः दै मदै छुं निश्चित दूगु मखुनि बच्छी लाय् ज्या शुरु जुइ न्ह्यः हे फुइगु खनेदत । आः तले बाँकी दुगु ध्यबां विदेशय् ब्वं वनेत गानी ।

सत्यनारायणं बौम्हेसित धाल ‘सरकारया व्यवहारं ल्याय्म्ह ल्यासेतय्त देशय् च्वनेमते धाःगु जुल



कायेत वातावरणया नामय् स्वला भुले यात । निर्दैं ब्वाय् जुयाः उद्योगया पूर्वाधार व तयारीया

वा । कन्हय् खुन्हुं हे सत्यनारायण कन्सल्ट्यान्सी अफिसपाखे ब्वाय् वन ।

बिमोचन

, च्वये सिधेकि । शुरु याये धुसेँलि उकिया अन्त नं थम्हं हे यायेगु । थौं मखुसा कन्हय्, कन्हय् मखुसा कंस उपन्यास क्व हे चाइ । मचाइमखु । छैय् ज्या धयाच्वनां लाःला । अफिस वनेमाः धैच्वनां लाःला । उपन्यासया भुमिका छत्वाः नं जिं हे च्वयाबी । सफूया बिमोचनबले नं सःति । जिं हे बिमोचन नं यानाबी ।”

शुपिं निम्ह साहित्यकारपनि दथुइ न्याला खुला तक्क नतुसुतु हे मब्यात । गन तं, गन तं जुल । मोबाइलया मेसेन्जरय् नं खँ मब्यात

खुला लिपा ।

छन्हु आपुलुखं अनुप्रासया कल वल, “सर, सर कंस छरू जिथाय् मभासे मते । छगू ज्याइवः तया ।”

साहित्यकार बाज्या भसङ्ग वंम्ह थें जुल, “यय्, सफू सिधल ला ? छु सफू ? अले गन, गुबले बिमोचन ?”

राजोपाध्याय बाज्यां काचाकिचां भाइबर चायेका स्वत । अन अनुप्रासया निमन्त्रण-पौ छपौ वयाच्वन ।

सफू बिमोचन छुं हे मखु खनी । अनुप्रासया मचायात जा नकीगु (अन्नप्रासन)या ब्वनापौ खनी ।

साहित्यकार बाज्याया न्हिलेला ख्वयेला जुल !

हरेक मंगलवाः

राष्ट्रियताको लागि समर्पित



मेरो साप्ताहिक

मेरो साप्ताहिक

Mero Saptahik

माला: माला: ब्वनादिसँ ।



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।

आउटडोर भेज क्याटरिङ्ग पनि गरिन्छ ।

मदुम्ह स्वतन्त्र संसार महर्जनयात लुमंकल



लहना वा:पौ/ गीतसंगीत कला व मनोरन्जन ख्यलय् ज्व:मदुगु योगदान बियावम्ह स्वतन्त्र संसार महर्जनयात अमर स्रष्टा कथं लुमंकल्ले लुमन्ति ज्याइव: जूगु दु। मदुम्ह महर्जनं स्थापना याना थकूगु संसारसं ग्रुपया ग्वसालय् संसारसं क्रियशान्स नेपाल, संसारसं अनलाइन टिभि, संसार

फाउण्डेशन नेपाल व संसार संगीतालयया मंका: ग्वसालय् वंगु शुक्रवा: किपूया किर्तिपुर सिनेप्लेक्स हल्य् जूगु लुमन्ति ज्याइवल्य् ख्यालिजुजु मदनकृष्ण श्रेष्ठ, खोना २१ वडाया अध्यक्ष रबिन्द्र महर्जन, सरिता महर्जन, न्ह्यलुवा: पत्रकार विजयरत्न असंबरे, पवन जोशी

स्वतन्त्र संसार महर्जनयात लुमंका नुग:खँ तयादिल।

अमर स्रष्टा स्वतन्त्र संसार महर्जनयात लुमंका छगू मिनेट मौन धारण याना शुरु या:गु उगु ज्याइवल्य् स्वतंत्र संसार महर्जनं संसारया हे दकलय् ताहाक:गु म्युजिक अवार्डया ग्वसा: ग्वया: नेपा:या नां गिनिज बुक अफ वर्ल्ड रेकर्ड तयेगु कुत: या:गु खँ लुमंकेगु ज्या जुल।

सन्चारक:मि बिराजकाजी राजोपाध्याय उगु ज्याइवल्य् युवा निर्देशक योवन शाक्य दयेकादीगु स्वतन्त्र संसार महर्जन बारेया डकुमेन्ट्री नं क्यनेगु ज्या जूगु ख:। उजय शाहीया संयोजनय् दयेकूगु उगु डकुमेन्ट्रीइ सुनिल वज्राचार्य स: बियादीगु ख:।

खोनाय् खनेदुगु समस्या ज्यंकेत सहलह

लहना वा:पौ/ प्रधानमन्त्री केपी शर्मा ओली यँ-तराई-मधेश फस्ट ट्राय्क आयोजनाया खोनाय् खनेदुगु समस्या ज्यंकेत सम्बन्धित मन्त्रीया लिसे उच्चअधिकारीत लिसे सहलह ब्याकूगु दु। वंगु आइतवा: प्रधानमन्त्री केपी शर्मा ओली खोनाया बारे ब्रिफिङ कयादीगु ख:।

फास्ट ट्राय्कया प्रवेश बिन्दु यल महानगरपालिका-२१ खोनाया फुडोलय् कायम जुयाच्वंगु दु। अन प्रवेश बिन्दु दयेकल धा:सा खोनाया सांस्कृति पहिचान तर्क मदइगु खँ संस्कृतिविद लिसे स्थानीय वासी धयाच्वंगु दु। खोनाय् प्रस्ताव बिन्दु दयेकेगु खँयात कया: स्थानीय जनतां

निरन्तर रुपं विरोध याना वयाच्वंगुलिं आयोजनाया ज्या न्ह्याके मफयाच्वंगु ख:सा उकिया समाधानया नितीं म्हीग प्रधानमन्त्री ओलीं चिउता: क्यनादीगु ख:।

खोना नेवा: समुदायया धार्मिक व सांस्कृति सम्पदा जूगुलिं उकियात सम्बोधनया नितीं थीथी विकल्पया बारे सहलह जूगु खँ प्रधानमन्त्रीया सचिवालयं धा:गु दु। सहलहया इवल्य् प्रधानमन्त्री ओलीं विवाद व समस्यायात ता: ई तर्क अन्यालय् मत:से स्थानीय बासिन्दाया माग फ्याफंछि सम्बोधन याना: आयोजनाया ज्यायात तीव्रता बीत निर्देशन बिउगु दु।

सहलहया

इवल्य्

भौतिक यातायात तथा पूर्वाधार मन्त्री देवेन्द्र दाहाल, रक्षामन्त्री मानवीर राई, प्रधानमन्त्रीया मुख्य सल्लाहकार विष्णुप्रसाद रिमाल, आर्थिक विकास सल्लाहकार युवराज खतिवडा, प्रधानसेनापति अशोक राज सिग्देल व निगुलिं मन्त्रालयया सचिवतय् उपस्थित जूगु ख:।

थ्व स्वयां न्ह्य: आदिवासी जनजाति आयोगया अध्यक्ष रामबहादुर थापा मगरया नेतृत्वय् वंगु पुचलं प्रधानमन्त्री केपी शर्मा ओलीयात आयोगया प्रतिवेदन ल:ल्हासें फास्ट ट्राय्कया प्रस्थान बिन्दु गोदावरी नगरपालिका-८ स्थित डुकुछापय् तयेगु सुभाब बिउगु ख:।



नवाइ दय दव्या दव्यागु मुवै






नारायणदेवी-तीर्थ सिरपा: ११४५
गिरिधरलाल सिरपा: ११४५

ने.सं.११४५ गंलाख्य सप्तमी (वि.सं. २०८२ भाद्र १४ गते, ई.सं.२०२५ अगस्ट ३०) कुन्तु नेवा: देय् दव्या स्वीछव:गु (३१ औं) बुसाव्या लसताय् वय्सवसं धेँ छगू छगू लाख तकाया स्वंगु सिरपा: ल:ल्हायेगु जुया: सिरपा: बियेत ल्य:गु खल:पुच:, संघसंस्था व व्यक्तियात थ्व हे ने.सं. ११४५ गुलाख्य सप्तमी (श्रावण १५/जुलाइ ३१) नुने सिफारिस वा दाबी सहित निवेदन तयादिइत इनाप यानाख्वना। थथे सिफारिस वा दाबी यायेवल्य् उकियात पुष्टि चाइगु प्रमाण, व्यक्तिगत वा संस्थागत प्रोफाइल सहित यायेमा:।

सिरपा:या विधा

(१) नारायणदेवी तीर्थ नेवा: समाजसेवा सिरपा: –
 नेवा: सामाजिक, संस्कृति, अधिकार, सम्पदा, संरक्षण नापं स्वापू दूगु ज्याय् च्वछायेबह:गु ज्या याना वयाच्वंगु संघसंस्था, खल:पुच:, गुथि, व्यक्ति आदि।

(२) नारायणदेवी तीर्थ व्यवसायी प्रोत्साहन सिरपा: –
 नेवा: परम्परागत व्यवसाय वा आधुनिक व्यवसाय न्हाका वयाच्वंगु व्यवसायिक संस्था, कम्पनी, खल:पुच:, गुथि, उद्यमी, व्यक्ति आदि।

(३) गिरिधरलाल नेपालभाषा सेवा सिरपा: –
 नेपालभाषा, नेपालभाषा साहित्य व नेपाल लिपि ख्यलय् च्वछायेबह:गु ज्या याना वयाच्वंगु संघसंस्था, खल:पुच:, गुथि, व्यक्ति आदि।

सिरपा:या दाबी वा सिफारिस दूतिनेगु थाय्
 सिरपा: समिति, नेवा: देय् दव्या, का.म.पा.–१२, बुद्धबारी, टेकु
 टेलिफोन – ०१-५३६७६०५
 इमेल – deydahee@ntc.net.np, nddproject@yahoo.com

प्रहरी साभेदारी नागरिक सुनुवाइ



लहना वा:पौ/ क्षेत्रपाटी विकास उपभोक्ता समितिया ग्वसालय् सामुदाय प्रहरी साभेदारी नागरिक सुनुवाइ ज्याभूव: जूगु दु।

प्रहरी वृत्त लैनचौर, सामुदायिक सेवा केन्द्र व सामुदायिक प्रहरी सेवा केन्द्र १६, १७ व २६ वडाया ग्वाहालि जूगु उगु ज्याभूवल्य् मूपाहाँ कथं लैनचौर प्रहरी वृत्तया डिएसपी

जगदिश्वर भण्डारी भायादीगु ख:। रामबहादुर रम्बा रजकया सभाध्यक्षताय् जूगु ज्याभूवल्य् ट्राफिक प्रहरी प्रमुख, ठमेलया धर्मानन्द भट्ट, ट्राफिक प्रहरी प्रमुख सोह्रखुट्टेया हिमाल थापा, क्षेत्रपाटी विकास उपभोक्ता समिति अध्यक्ष पुरण शाक्य, श्वेत गणेश क्लब अध्यक्ष रत्नज्योति मानन्धरपिसं ब्वति कयादीगु ख:।

दिपंकर बुद्ध मूर्ति दान

लहना वा:पौ/यँ महानगरपालिका-६ बौद्ध निवासी दाता पूर्णसिद्धि शाक्य परिवारं यल्ला सुरशचन्द्र महाविहार (न्हाय्कं बही) यात दीपंकर बुद्ध मूर्ति दान यात।

नेवा: बज्रयान परम्पराय् पञ्जरांया दिं याइगु महादानय् दीपंकर तथागत ब्वयेमा। थ्वहे परम्परायात कथंहंकेत दीपंकर बुद्ध मदुगु नेपालमण्डल दुनेया महाविहारयात दाता शाक्य परिवारं मूर्ति दान याना वयाच्वंगु ख:। २०७१ सालं

सुरु या:गु मूर्ति दान ज्याभूव:यात निरन्तरता ब्यूसें भिंछम्हम्ह दिपंकर मूर्ति न्हाय्कंबहीयात ल:ल्हा:गु ख:। स्वंगु फीट त:धिकम्ह लुँ पानात:म्ह दीपंकरया मूर्तिनाप दां न्यय्द: तका नं ल:ल्हा:गु ख:।

मूर्ति दान यायेन्ह्य: दाता परिवारया छँ नं मूर्ति पितहया खास्ति नामसंगीती पुच:या धा बाजं व लामागुरुतय् बाजं थाना खास्ति चा:हिक्कूगु ख:।

४५ दँ लिपा ...

नं मसिल। सन् २००३ सं उगु पौभा: अमेरिकाया सिकागोस्थित आर्ट इन्स्टिच्युट अफ सिकोगोय् प्रदर्शनीइ त:गु सीवं महाविहार संरक्षण समाजं उगु पौभा: लित हयेगु कुत: या:गु ख:।

समाजया अध्यक्ष प्रज्ञारत्न शाक्यं इतुबहालया पौभा: अमेरिकाया सिकागोय् प्रदर्शनीइ तयात:गु सीवं उगु सम्पदा लित हयेत सक्रिय जुयागु जानकारी बियादिल। वय् कलं धयादिल, 'पौभा: लित हयेगु निती पुरातत्व विभागय् त:क्व: जाहेरी निवेदन बीगुया लिसें इन्टरपोलय् तर्क उजुरी बियागु वय्कलं कनादिल। उकिया हे आधारय् अमेरिकाया सम्बन्धित निकायय् उगु पौभा: लित हयेगु निती कुत: जुल। थुकिया लिसें सम्पदा ल्यंकेत सक्रिय जुयाच्वंगु थीथी संस्था हेरिटेज रिकभरी क्याम्पेन, लस्ट आर्ट्स अफ नेपाल लिसे नं समन्वय याना। आ: निगू दशक लिपाया कुत: सफल जूगु दु।'

उपप्रधानमन्त्री सिंह जनमत

संग्रह जुयाच्वंगु इलय् खुया यंकूगु देय्थया गौरवया रुपय् दुगु पौभा: त:दँया कुत: लिपा हाकनं सम्बन्धित थासय् थ्यंगुलिं लसता प्वंकूसें अमूल्य सम्पदायात सुरक्षित तयेमा:गु खँ धासें थुकिइ सरकारं नं ग्वाहालि यायेगु खँ धयादिल।

उक्तं हे बागमती प्रदेशसभाया सांसद शैलेन्द्र वज्राचार्य नं पौभा:या संरक्षणय् ब: बियादिसे सम्पदाया संरक्षण/संवर्धनय् न्हू पुस्ता न्ह्यायेमा:गु खँ धयादिल। यँ महानगरपालिकाया उपप्रमुख सुनिता डंगोल सम्पदा न्हापांगु थासय् पुनर्स्थापना यायेधुंका: छगू ज्या क्वचा:गु व आ: संरक्षणया मेगु ज्या न्ह्या:गु खँ धयादिल।

राष्ट्रिय संग्रहालयया प्रमुख अरुणा नकमी पुरातात्विक धरोहर सम्बन्धित थासय् प्रतिस्थापन यायेमा: धासें अज्या:गु सम्पदा उगु हे थाय् या शोभा जूगु खँ धयादिल। लिसें वय्कलं अमूल्य सम्पदा व्यवस्थित रूपय् संरक्षणया पक्ष धा:सा अभ नं चिन्ताया विषयया रुपय् ल्यानाच्वंगु खँ धयादिल।

प्रचलित नेपाललिपिं पिहाँ वयाच्वंगु म्हासीका लय्पौ ब्वनादिसँ/ब्वंकादिसँ

म.सी.का. लय्पौ

MHASIKA Monthly | म्हासीका मासिक

जरिमैया व कुमार साखः सिरपा लःल्हात



लहना वाःपौ/ नेपाल साहित्य मन्दिरया ग्वसालय् दैयदसं बिया वयाच्चंगु जरिमैया साखः लुमन्ति सिरपा व कुमार साखः लुमन्ति हःपाः

सिरपा शनिबाः लःल्हाःगु दु ।

नेपालभाषाया साहित्यख्यलय् ज्वःमहुगु योगदान बिया वयाच्चमह छह मिसा साहित्यकारयात बिङ्गु जरि

मैया साखः लुमन्ति सिरपा सुलोचना मानन्धरयात व मिजं साहित्यकारयात बिङ्गु कुमार साखः हःपाः सिरपा विजयरत्न असंबरेयात ब्यूगु खः ।

शनिबाः ख्वपया सिद्धिपोखरी पार्टी पालेसय् जूगु ज्याइवलय् वयकःपित नगद नाप हनापौ देछाःगु खः ।

ज्याइवलय् नेपाल साहित्य मन्दिरया संस्थापक नांजाम्ह साहित्यकार तिलक प्रकाश कायस्थ मूपाहाँ कथं भायादीगु खः । उगु ज्याइवलय् सिरपाया मू खँयाबारे ग्वसाः खलःपाखें सभानायः अगिब बनेपाली जानकारी बियादिगु खः ।

एमाले कामपा-१६ वडा कमिटीपाखे एसईई पास जूपिंत हन

लहना वाःपौ/नेपाल एमाले १६ वडा कमिटी १६ वडा एसईई पास जूपिं विद्यार्थीतय्त नयाँबजार मल्टिभेन्यूड 'एसईई पास सम्मान' ज्याइवःया ग्वसाः ग्वयाः विद्यार्थीतय्त सम्मान याःगु खः । ज्याइवलय् २१९ जना विद्यार्थीपिंत सम्मानित याःगु खः ।

नेकपा एमाले १६ वडा कमिटीया अध्यक्ष लिसे ज्याइवःया सभापति जयप्रकाश श्रेष्ठ एसईई पास जुइधुंकाः उच्च शिक्षा हासिल यायेत्यपि विद्यार्थीतय्त थःगु पारिवारिक लिसें सामाजिक दायित्व निर्वाह यानाः उच्च शिक्षा कायेत प्रेरणा बीगु उद्देश्य वंगु दैय् थें थुगुसी नं सम्मान ज्याइवःया



ग्वसाः ग्वयागु खँ कनादिल ।

ज्याइवःया सभापति जयप्रकाश श्रेष्ठ सम्मान ज्याइवलं विद्यार्थीतय्त आःया यात्रा अभ्र हाथ्यां जाःगु व

जिम्मेवारीपूर्ण जुइगु धासें निरन्तर मेहनत, अनुशासन व सकारात्मक सोचया लिसें न्ह्याःवनेत सुभाष बियादिल ।

प्रतिभा समाजया ३१ क्वःगु दैमुँज्या चित्रकला कासा

लहना वाःपौ/प्रतिभा बुक बैंक व प्रतिभा समाजया ३१ क्वःगु दैमुँज्या नाप सातुआकी स्मृति दिवसयात कयाः बुद्ध जीवनी शिर्षकय् चित्रकला कासा जूगु दु । प्रतिभा समाजया ग्वसालय् योङ्ग पिकासोया सहकार्यय् जूगु ज्याइवलय् ३५ मह मस्तय्सं ब्बति काःगु खः ।

चित्रकला कासाय् टाइम्स इलेमेन्ट्री स्कूलया अर्दिता महर्जन न्हाप जूगु खः । अथे हे ब्लु बर्ड स्कूलया आशिर्या देशार ल्यू व रोज वर्ड स्कूलया पालिजा मानन्धर खड्गी



लियाल्यु लाःगु खः । अथे हे गोविन्द गजमेर व युनिशा सुनुवार हःपाः सिरपा त्याकूगु खः । कासाय् त्याःपित मूपाहाँ

नेपाल व्यवसायी कलाकार संघया अध्यक्ष प्रेम श्रेष्ठ टुफी, मेडल, हनापौ नाप नगद सिरपा लःल्हागु खः ।

यस ब्यू जेनिथ इङ्गुलिस मोडल स्कूलबाट
मि.सं. १०८३ खानेबा एसईई जतीन नर्जनापति
कम्युनिज्मवाली सितु महर्जनको कृप्य मायाको सफलताको कागजात ज्यै
कम्युनिज्म सफलता गरे जेत तरे र सितु महर्जनलाई जयवादी कदम
साहसिक तरीदिकुन हादिक अनुरोध कदम् ।

VOTE NOW

सितु महर्जनलाई भोट गर्नको लागि Mobile को
Message box मा गई MDU(SPACE)08 Type गरि
37000 मा send गर्न सक्नुहुनेछ ।
त्यस्तै MY INTRA App मा गएर
सितु महर्जनको profile मा click गरेर पनि vote
गर्न सक्नुहुनेछ ।

अनुरोध : राजू महर्जन संस्थापक प्रधान-नापक
ब्यू जेनिथ इङ्गुलिस मोडल स्कूल

हेपाटाइटिस रोगबाट बच्न

- हेपाटाइटिस कलेजोमा हुने एक प्रकारको संक्रमण हो,
- यस्तो संक्रमणले कलेजो विग्रन सक्छ.
- हेपाटाइटिस A, B, C, D, र E गरी पाँच प्रकारका हुन्छन् ।

यसका लक्षणहरूः

- थकान महसुस हुने,
- पेट दुख्ने,
- आँखाको सेतो भाग पहेँलो हुने (जन्डिस देखिने),
- वान्ता वा खानामा अरुचि हुने,
- तौल घट्ने जस्ता लक्षण देखिन सक्छन् ।

हेपाटाइटिसबाट बच्नः

- सफा पानी पिउने,
- स्वच्छ खाना खाने,
- हेपाटाइटिस विरुद्धको खोप लगाउने,
- संक्रमितको रगत तथा सुईबाट टाढा रहने,
- सुरक्षित यौन सम्पर्क गर्ने ।

“हेपाटाइटिस रोकथाम गरौं, जीवन जोगाऔं”



नेपाल सरकार

विज्ञापन बोर्ड

छत्रपाटी निःशुल्क चिकित्सालय (अस्पताल)
“स्त्रीका शुलभ स्वास्थ्य सेवा सकसिया निति, असहायका निति जक निःशुल्क”

उपलब्ध सेवा

- २४ घण्टा सेवा
- इमरजेन्सी
- प्याथोलोजी
- एक्स रे
- ई.सी.जी
- औषधि पसल
- अन्तरंग सेवा

शल्यक्रिया

- मोतिबिन्दु
- सर्जन गर्नेरी
- नाक बान पौटी सम्बन्धि
- हाडतनी तथा नाड सम्बन्धि
- जिवा विरकार पिशाच नतीको तन्दर सम्बन्धि

बहिरंग सेवा

- मुटु रोग
- पेट रोग
- घुरालोखी
- हृदी रोग
- बाल रोग
- मवाल्मर रोग
- दन्त रोग
- मौखिक रोग
- जनरल मेडिसिन
- बर्ष तथा वीर रोग
- नाक बान पौटी रोग
- जनरल हेल्थ चेक अप
- नाइरोडिड
- मधुमेह

मिनेन सेवा

- ट्रेसिङ
- इण्टेलिक्सीपी
- फोनोनोस्कोपी
- फिजियोथेरापी
- इन्ट्राएप्ट, क्लर टुप्पर र इको
- इरोपेनी स्तरको दन्त प्रयोगशाला
- टि.एच.टि. हल्टर

२४ घण्टा इमरजेन्सी सेवा

७०८ गंगालाल मार्ग, छत्रपाटी, काठमाडौं, फोनः ५३१६१३८, ५३५७९११, ५३६६२२९